

卷十二

建置表

卷十三

田賦志

卷十四

祠祀志

卷十五

學校志

卷十六

兵防志

同州府志

同州府志卷十二

建置志

興廢由天詎非人事雄雄左輔代變誰志國邑郡縣
或合或分金城湯池臚之掌紋爰及衙廨以備舊聞
述建置志第一

同州府之名定自雍正十三年蓋合同華二州之地而爲
一府領九縣一州曰大荔曰朝邑曰郃陽曰韓城曰澄城
曰華陰曰潼關曰蒲城曰白水曰華州至乾隆十三年升
潼關爲廳於是府屬爲一州一廳八縣迄於今未之或改

其在雍正十三年以前同華二州皆於雍正三年直隸布

政司故曰直隸同州領朝邑郃陽韓城澄城四縣白水縣撥隸耀

州附郭大荔縣未設曰直隸華州領華陰蒲城潼關三縣是年改潼關衛爲縣

其未爲直隸州時雖各領縣而皆統於西安府沿明代之

舊制也明史地理志西安府華州領縣二華陰蒲城同州領縣五朝邑郃陽韓城澄城白水明因於

元元因於金金史地理志同州領縣六馮翊朝邑白水郃陽澄城韓城華州領縣三鄭華陰蒲城元省

入同州餘與金同金元之制以州領縣異於明代之以府統州其

與唐宋亦不同者唐宋以州統郡如華州統華陰郡同州

統馮翊郡也唐地理志華州華陰郡領縣四鄭華陰下邳櫟陽同州馮翊郡領縣八馮翊朝邑韓城郃

陽夏陽白水澄城奉先今蒲城也下邳櫟陽今在
西安府境宋同州馮翊郡領縣八與唐同華州華陰郡領
縣四有渭南而無櫟陽
隋代之制鄭華陰隸京兆郡馮翊
今渭南亦屬西安府

韓城邵陽朝邑澄城蒲城白水隸馮翊郡而無州之名
隋見

書地理志此在大業三年改州爲郡之後如此其初固沿西魏

北周之制有同州華州也西魏北周之同州領武鄉澄城

二郡武鄉郡領武鄉邵陽夏陽三縣澄城華州領華山白

水二郡華山郡領鄭華陰二縣白水郡因北魏之制而稍

變之北魏太和十一年廢東漢以來之馮翊郡而置華州

於今大荔縣北四十里之李潤堡領三郡曰華山郡領華陰定

城夏陽敷西郃陽

五縣見地形志

曰澄城郡

領澄城五泉三門宮城南五泉五縣

傾姚谷白水南白水三縣

至景明初又從華州治遷於馮翊舊治是爲

今同州府治之再建今同州府治乃東漢建安以後及魏

晉之馮翊郡治非建安以前及西漢之馮翊郡治蓋兩漢

之馮翊郡本治高陵今同州府乃馮翊郡所屬之臨晉縣

地建安初始移馮翊郡治臨晉縣而郡縣皆移於今之府

治

舊臨晉縣城在朝邑縣南三里

是爲今同州府治之初建今府境實得

前漢京兆尹左馮翊二郡之地故漢之船司空華陰二縣

地爲今華陰縣鄭下邽武城三縣地爲今華州衙粟邑二

縣地爲今白水縣臨晉懷德二縣地爲今大荔朝邑縣塞
爲今潼關廳夏陽爲今韓城縣重泉爲今蒲城縣郃陽爲
今郃陽縣徵爲今澄城縣東漢省徵入重泉晉省衙入粟
邑鄭與華陰則又爲晉之華山郡焉

見晉書地理志

秦始皇初置

郡縣關中皆隸內史今府境之可考者華州乃秦之鄭彤
武城地也華陰乃秦之寧秦地也蒲城乃秦之重泉地也
大荔乃秦之臨晉地也郃陽乃秦之合陽地也澄城乃秦
之北徵杜平地也朝邑乃秦之懷德臨晉地也韓城乃秦
之夏陽地也白水乃秦之白水衙汪地也秦之地名多因

周舊見於左傳國策史記諸書者若同一作郟春秋地圖謂同州卽古郟國

若洛陰史記魏世家若邗左傳皆在今大荔境若芮左傳若王城左傳

史記魏世家若臨晉史記魏世家若條史記晉世家皆在今朝邑境

若鄘詩大雅若羈馬左傳若刳首左傳皆在今郟陽境若梁左傳若

韓左傳若繁龐史記六國表若籍姑六國表皆在今韓城境若王官

左傳若南郊左傳若新城左傳若北徵左傳若元里六國表若杜平秦本

紀皆在今澄城境若鄭國語若拾世本若咸林秦本若武城秦本

紀若彤魏世家皆在今華州境若陰晉魏世家若焦瑕左傳若桃

林尚書左傳皆在今華陰潼關境若重泉六國表若賈左傳皆在今

蒲城境若彭衙

左傳

若汪

左傳

皆在今白水境其或爲秦邑或

爲晉邑讀史者約略注之而不盡有據至戰國則府境諸

邑或朝魏而暮秦焉周官職方氏以華山爲豫州之鎮渭

洛爲雍州之浸是今之大荔朝邑郃陽澄城韓城蒲城白

水於周爲雍州域今之華州華陰潼關於周爲豫州域也

唐虞夏商之世國名不盡可知其軼見他說者有莘

今郃陽

有芮

今朝邑

有荼

今郃陽

有華

今華州華陰

有蕃

今華州西

有定

今潼關西

有

彤

今華州西

有陽武

今白水東北

有彭衙

今白水

以禹貢疆界論之蓋

皆爲雍州東境其或謂爲豫州西境者

通鑑注

則以周官職

方氏之文而疑以傳疑也府境周遭不逾千里而面華背
梁胸渭腹洛大河據其左自龍門南下至潼關而東折唐
一行所謂北紀河山之曲與地絡之陰相會者雲漢之精
萃於此地魏元燮表云面華渭包原澤并淺地平樵牧饒
廣富庶之形今不異古特古時峭岫道險潼關一途未如
後代之坦而西河之濱自周季秦晉交爭後儼成孔道漢
代至唐蒲關之重下倍潼關所以論形勢者直推同州爲
關陝襟要偏霸之世地利所必爭一統之朝物力尤易裕
至於風淳俗儉蛾伏鶉居尤足表股肱上輔者矣府城卽

大荔縣城始築於後漢建安三年移置馮翊郡臨晉縣

見魏

略

舊志謂秦厲共公滅大荔戎而築者非也寰宇記謂非

臨晉縣者亦誤後魏永平三年刺史元燮築東城正光五年刺史穆弼築西城西魏大統元年刺史王罷築外城不甚方唐代始方之明嘉靖中地震城圯築者苦費鉅乃去其北方之贏出者半周九里有奇高三丈池深丈餘濶倍之

本朝乾隆五十一年知府馮思忠知縣賀雲鴻道光二十

三年知府吉年知縣常瀚先後勸捐修之

大荔縣志古同州城改府後以

縣倚郭下本東漢建安中馮翊郡治北魏元變表稱馮翊
舊城是也舊志謂秦厲共公滅大荔而築者乃無據之言
變築東城穆弼築西城西魏大統元年王羆重築之明嘉
靖乙卯地震城圯築者惜費乃去其北方之羸出者至
國朝乾隆五十一年知府馮思忠知縣賀雲鴻勸捐重修
道光二十一年知府吉年知縣常瀚又勸捐修經知縣熊
兆麟接辦至二十七年竣工凡修城一千三百六十八丈
周七里六分高三丈五尺底寬二丈八尺頂厚一丈八尺
門臺六門六月城六城樓月城樓十二炮臺四十八東南
角奎星樓一西北角文昌閣一排牆宇牆各一女牆三千
一十六南城其衙署在城中者知府署在城內北隅舊爲
上龍門一其衙署在城中者知府署在城內北隅舊爲
年同知邢權建厥後相繼重葺本朝雍正十三年改爲知
府署道光二十七年署知府潘政舉修大堂二十八年知
府李恩繼在府堂右教授訓導署在儒學
通體改修經歷廳署舊吏目署教授訓導署西南大荔
縣署在府治東南雍正十三年知縣沈應俞建乾隆三十
一年知縣劉大樂三十八年知縣陳學昌四十六年

知縣胡國棠五十年知縣賀雲鴻道典史署在縣教諭訓

光二十八年知縣劉良駟先後改修在學宮導署在府惟縣丞署在羌白鎮乾隆五年

俞而督學行署規制尤恢擴焉大荔縣志督學行署在府

世昌創建凡號舍十一楹坐號六百有奇乾隆三年知州孫

張奎祥展修拓儀門大門鼓棚等廳而南之增建號舍十

有九楹坐號一千三百有奇俱易以木板繚以圍牆三十

八年知縣金之佩重修東西號房四十四楹增修奎星門

一座龍門一座東西門房兩楹四十六年知縣胡國崇又

增修道光九年諸生李樹德捐銀一萬六千二百三十餘

兩獨力重修大恢前制坐號木棹均易以石朝邑縣城建於明景泰二年嘉靖

中地震築周四里高一丈五尺池深濶各一丈

本朝康熙十九年知縣陳昌言修厥後東西南三面圯於

水四十六年知縣王兆鰲重修

朝邑縣志縣城周四里高一丈五尺池深廣各一丈

創建於明景泰二年知縣申閏繼成於成化二年知縣郭

良十七年知縣李英嘉靖二十年知縣劉尙義厥後時圯

時葺八國朝康熙十九年知縣陳昌言重修戊寅霖雨

坡水大發東南北三面衝崩幾盡四十六年知縣王兆鰲

重修乾隆十七年知縣成邦彥又修城門五東曰臨河後

改題曰陽禴西曰鎮羌西南曰金湯南曰望嶽北曰迎恩

縣署在城中央

朝邑志縣治在城中央不知其所自來據李益志起金大定七年元大德七年知縣

李英重修嗣是而宣德成化知縣鼎與郭良相繼增飾

本朝乾隆三十二年知縣楊嗣三十八年吳忠誥又修

大門舊爲洞門上架樵樓建自知縣郭良形家病其土重

不利於縣康熙五十年知縣王兆鰲改建大門三間東西

角門各一間大堂五間川堂五間三堂三間內署在三堂

後庫房一間在大堂西東西房科各八門戒石亭在儀門

內甬道今易以坊常平倉一十八間在大門內東偏舊制

粗略覆板於地上置蓆圍儲貯多泥爛康熙五十年知縣

王兆鰲修葺如倉厥式擴增完固獄一所在儀門內西偏
舊獄卑隘歲久圯頽囚多苦之康熙五十年知縣至兆鰲
捐俸修葺固潔俾得安所
主簿署在大慶關明天啟中簿
裁署廢本

馬厰一所在儀門內東偏
朝康熙三十八年典史署在馬厰東教諭訓導署在儒學
復設分住大慶關

門內千總署在東門內邵陽縣城建自西魏大統三年同
州刺史王熙明正統十四年知縣董鑑重築周八里二百
二十步高三丈厥後知縣張綸王納策李希松陳箴范志
懋各踵修

本朝乾隆中知縣朱依霍梁善長捐俸倡築周六里二分

邵陽縣志城池西魏大統三年同州刺史王熙建後北明
正統十四年知縣董鑑重築周八里二百二十步高三丈

正德六年知縣張綸重修始立門浚湟嘉靖三十年知縣
王納策增修隆慶二年知縣李希松悉葺以甃崇禎五年
知縣陳箴增修崇五尺八年知縣范志懋增築城闔名其
門東曰雨粟西曰崇墉南曰阜財北曰歸極 本朝順治
中知縣莊會明浚湟共深三丈康熙三年知縣侯萬里重
修譙樓在縣內縣治東明知縣張鶴縣丞李魁所建也乾
隆十一年知縣朱依霍捐俸倡修二十八年知縣梁善長
重修周圍共六里三分東西二百九十三丈南北二百七
十三丈 知縣署在城內 仰陽縣志縣署在城內近西北明洪
武三年縣丞康世俊嘉靖二十四年
知縣李豸大加修葺大門初在巽方至是移向正南構軒
於後堂顏曰盤鑑居其餘堂呈俱爲一新庫在縣堂西典
史廡西北爲獄 本朝康熙十七年知縣周成璧因舊志
新之四十二年知縣錢萬選重修乾隆三十二年知縣席
奉乾重 典史署在縣堂西教諭訓導署在儒學東偏澄城
修之

縣城始建於何代無考其可考者明代之屢修也

本朝順治五年乾隆三十一年皆修周三里三分高二丈

七尺

澄城縣志城池後魏時建周三里有奇高二丈五尺土築池深一丈三尺門四明正統景泰宏治間俱重

修嘉靖中知縣鄭光溥改建北門復修縣前樵樓丙午知縣徐效賢復加修鑿戊申重修四門巳酉建四郭門南郭門未竣知縣敖佐續成之崇禎癸酉知縣王選增高三丈

本朝

順治五年知縣姚欽明重修闢水門於西北之左

重建北樓乾隆三十一年知縣額樂知縣署在城內西北

春重

修周圍三里三分高二丈七尺

隅

澄城志縣署在城內西北隅建元末毀于兵燹治事于親隣寨明洪武二年縣丞樂韶始復故治建廨宇正統

二年知縣楊季琦建廳宇儀門大門正廳右爲庫嘉靖甲

辰知縣鄭光溥重修戊申知縣徐效賢新吏舍葺禁獄巳

酉崇飾堦圮拓儀門庚戌知縣敖佐葺內署完吏廨天啟

甲子知縣毛丹鳳重修寅賓館崇禎乙亥寇燬正堂甲戌

縣丞梁才重建

本朝

順治六年知典史署在縣署東教

縣姚欽明建厦三楹中廳前軒復舍

論訓導署在文廟西韓城縣城不知所始縣志附會以爲
卽詩大雅之溥彼韓城燕師所完者金大定四年改置楨
州重築之明代至 本朝屢修周四里八分長八百六十

七丈高二丈五尺

韓城志城池詩所稱溥彼韓城燕師所
完者後無攷詩韓城王肅以爲在涿郡

方城縣唐王勃有登城樓高望序金大定四年改置楨州
修築之周四里百五十九步高二丈五尺池深二尺門四
東曰迎野西曰梁奕南曰濂淳北曰拱宸明嘉靖二十一
年知縣全文創四門月城後廢崇禎三年甃上下各三尺
遇雨輒崩五年知縣左懋第新西關門樓更名曰望甸十
三年大學士薛國觀特疏于朝而捐甃焉知縣石鳳臺首
捐甃敵臺者三 本朝雍正七年知縣劉方夏修築重葺
四門樓鼓樓在縣前城周圍四里八分長八百六十七丈
高二丈 知縣署在城內正西 韓城志縣署在城內正西本
五尺 漢唐舊志元至正二年縣尹

解榮祖重修明洪武三年主簿范恒修成化癸卯知縣
吳雄重構正廳嘉靖十年知縣馮錄建儀門三楹萬歷二
十九年堂傾于雨知縣戴章甫重修顏曰忠愛堂東西有
庫前爲虛訊軒後爲退省堂門廊固圓悉葺之三十三年
知縣蘇進建寅賓館旌善申明二亭大門三楹崇禎甲戌
知縣左懋第建梅花屋 本朝康熙十五年知縣王廷選
重修堂廡三堂東爲鴻 縣丞署在縣堂東典史署在縣堂
雪堂知縣翟世琪修建

西教諭訓導署在儒學左右華州城唐永泰元年節度使

周知光建元至正中平章公驢拓西北隅明嘉靖中地震

後重修 本朝康熙乾隆中續修周九里三分池寬三丈

深六尺 華州志城池唐永泰元年節度使周智光建元至

至中平章公驢拓古城西北隅修築周七里一百
五十步高二丈五尺池深一文五尺明嘉靖乙卯地震城
圯知州朱茹重建門四東曰鎮潼西曰望安南曰見山北

曰帶帶上各建樓萬歷中知州邢振羽重修崇禎時知州
史文楷築濬環列女牆知州鄧承藩葺西門樓本朝康

熙中知州馮昌奕葺四門樓及鐘鼓樓乾隆八年知州王
二南重修係土城甃堞周圍九里三分城壕寬三丈深六

尺州署在城內近南華州志州署在城內近南明洪武二
年知州胡惟俊建正德壬申知州劉

錦修葺建堂五楹庫當東南史金列東西後爲退省堂儀
門外內樓各二左廐右獄嘉靖五年州堂火知州甘望重

建十三年知州周朝俛繼成之顏曰節愛堂乙卯地震傾
圯知州朱茹葺節愛堂隆慶中知州李可久建寅賓館于

大門左側本朝康熙中知州羅斌捐俸重起堂廊養濟
院在東門內街南乾隆三十四年知州潘時選先後修

葺州判署在城內大街路北乾隆四十三年
知州楊嶽創修學正署在儒

學敬一亭西訓導署在明倫堂後千總署在州治西華陰

縣城本隋唐舊址元至正十八年達魯花赤脫力白修築

明嘉靖中地震後重修萬秝中加高培厚

本朝乾隆十五年知縣姚遠翮重修周二里九分高二丈

二尺

華陰縣志城池本隋唐舊址元至正十八年達魯花赤脫力白修築周二里九分高二丈二尺池深八尺

嘉靖四十三年領圯知縣李冲漢重築睥睨悉毀以甃萬秝五年知縣李承科增厚八尺高二丈七尺東西南門三東西舊有層樓南樓嘉靖中知縣袁廷瑛建北樓萬秝中知縣王九疇建稍西又建鎮西樓譙樓在縣治前城周圍長五百二十二丈共計二里九分高二丈二尺乾隆十五年知縣姚遠翮重修縣署在城內西北

丈二尺

乾隆十五年知縣姚遠翮重修

縣署在城內西北

華陰志縣署在城內西北明洪武二年縣丞黃文明創建

正廳六楹左屬庫藏前抱厦楹如堂數鄧侯祠居左贊政

廳居右嘉靖間知縣簡仲宇王時雍李冲漢相繼修葺堂

下東西序列吏舍西南隅爲獄舊在二門外萬秝中知縣

劉若水移門內養濟院在縣西關儀門傍列糧房東南隅爲迎賓館後爲土地祠更前爲譙樓成化中晁令盡孝重

建預備倉一卽在縣後 本朝乾隆三十二年知縣
楊成垣動項承修縣署三十九年知縣陸維垣重修 典史

署在縣治西教諭訓導署在明倫堂左右蒲城縣城西魏

時建明代屢修

本朝順治康熙中繼修周八里一百八十步高二丈九尺

池深一丈五尺

蒲城縣志城池西魏時建明景泰元年知縣高隆增修正德間知縣張鏞置腰鋪壕

塹植樹環之嘉靖初知縣楊瓊增築甃女牆以甃周八里

一百八十步高二丈九尺池深一丈五尺門四隆慶間知

縣呂宗儒改建南門移東數十步萬秭丁丑知縣田蕙建

四門樓崇禎丙子知縣田臣浚濠深三尺潤倍之中界以

環垣 本朝順治庚寅雨圯知縣張舜舉修築 縣署在城

康熙中知縣汪元仕修葺城門譙樓在縣治前

內近北

蒲城縣志縣署在城內近北唐開元宋元祐宣和金大定元大德至正間代有修葺明洪武初肇修于

主簿高秉彝典史郭固景泰時知縣高隆繼修成化中知縣黃端正德中知縣張鏞績拓之中爲牧愛堂堂左庫藏犴狴西連廨舍知縣劉大模增修嘉靖乙卯地震傾圮知縣李猗重修本朝康熙中知縣鄧永芳復加修葺築中正堂觀民樓養濟院在縣東門內稍北主簿署在縣治右明天啟中知縣方應節改移北樓十武

典史署在東曹廊後巡檢署在永豐鎮教諭訓導署在明倫堂西南白水縣城相傳唐初尉遲恭監築元末兵燹移治於南臨川明初還舊治以後屢修

本朝繼修周二里三分高二丈有奇

白水縣志城池相傳唐初尉遲恭監築元

末兵燹主簿丁華權移治于南臨川明洪武三年知縣張三同還舊治始加修築周四里高二丈池深一丈建三門嘉靖二十二年兵憲張瀚諭知縣溫伯仁築城起自故城西北隅終于東南隅周五里餘高厚二丈頂削下三之一

上羅女牆敵臺五門五東曰迎祥西曰險寧南曰聚奎北

曰星拱東南曰汲井崇禎十二年知縣王無逸擴築本

朝應治三年知縣王水命浚湟深三丈濶二丈雉樓在縣

治前乾隆三十二年署縣事張照字詳請重修周圍長四

百一十四丈計二里縣署在城內西隅白水縣志縣署在

三分高二丈有奇

三年知縣張三同建中爲正堂五楹東庫藏獄在儀門外

西偏崇禎中知縣張名世建柳浪亭署舊有思齊樓本

朝康熙三十年知縣鈕秀典史署在縣堂東訓導署在典

重修養濟院在城東南隅

史署東潼關廳城宋熙寧中侍御史陳洎築明洪武五年

千戶劉通修以後增修依山勢高下周十一里七十二步

高一丈八尺東南西三面蹠山北一面俯河

本朝康熙雍正乾隆中屢修之潼關廳志城池宋熙寧中遣侍御史陳洎築城明洪

武五年千戶劉通修築舊城九年指揮僉事馬騏增修
曉依山勢曲折周一十一里七十二步高一丈八尺其北
下臨洪河東南跨麒麟山西南跨鳳象二山門六東曰金
陔西曰懷遠南曰上南下南北曰大北小北東西南各建
樓三十三年成山侯建南水關宣德間守備魏贊建北水
關共水門三正德七年兵備道張稔重建東西重門豎
樓其上嘉靖十八年兵備道何鰲重建南北水關隆慶四
年兵備道范懋和增築修更鋪七十二所登雉堞以甄萬
秭十九年參政張維新重修題東郭門曰天險西郭門曰
地維上南曰凌雲下南曰迎薰大北曰吸洪小北曰俯晉
天啟四年河水衝崩北水關七年兵備道黃和修築本
朝康熙二十四年參政高夢說重修雍正五年知縣黃憲
魁補修二十七丈七尺六年復修一百二丈七尺鐘鼓樓
在麒麟山上參政孔興鈺移建乾隆九年潼關知縣王懷
堂詳請重修三十四年撫民同知趙嶠于東西南
北並上南門小北門南水關登城處添設欄柵
撫民同

知署在西門內卽東察院舊址

潼關志撫民同知署在縣治東係東察院舊址明萬

歷中改爲撫民同知署 本朝康熙二十二年撫民同知
翁世庸捐俸重建雍正四年改選滿洲兼理事管轄旗民
乾隆三年滿兵徹裁理事仍撫民同知舊有經司久廢乾
隆二十四年同知李豫修建大堂三十二年同知楊天文
重修三十六年同知趙本嶠四
十年同知錢人龍先後重修 典史署在帥府街風陵渡

巡檢司署在廳署東卽潼關驛丞舊署教諭訓導署在明

倫堂西潼關道署在城內大街故明王司馬第也 潼關廳志潼商

道署舊在城內西北隅後移今縣治東故明王司馬第也

康熙十六年副使胡戴仁修葺增建大門儀門寅賓館橫

川堂書臺復于繚垣後買民地五尺爲更道雍正六年分

守道張正鑒買地于大門外拓十有九丈繚以崇垣左右

建中正和平二門中建嶽峙河澄坊 潼關協副將署在道

乾隆三十三年潼商道屠用中重修

署西中軍都司署在副將署東凡文武衙署皆就見住之

官著之若官已裁而署之或存或廢皆所不錄郵亭津梁非掌故所關亦不錄倉儲以備荒政故附於後

倉庾

大荔縣常平倉六座在府城內縣冊卽舊州倉乾隆五年知縣沈應俞於縣治東建廩十五座

社倉八處一在府城內四鄉李合村羌白鎮馬坊頭蘇村呂曲村馮村坊舍鎮各一座座各三間雍正八年建縣冊乾隆十二年裁汰潼關縣所屬長安屯社一處共九處社各五楹

朝邑縣常平倉在縣大門內東共十八間知縣王兆鰲建
縣冊共三處一在縣治東一在縣南街新倉一處在縣西
街共厰二十三座乾隆三十三年建

社倉十一處一在縣城內四鄉舊大慶關新大慶關趙
渡新市安仁雙泉兩女北千白市七鎮及韋林村各一
座座各三間雍正七年建縣冊新社倉一處乾隆十年
建

郃陽縣預備倉在縣署東六座共二十八間夏陽川一座
十五間雍正七年增建一座於署東舊倉側六間

社倉六處在四鄉坊鎮及百良露井黑池甘井四鎮山陽村各一座座各五間雍正八年建縣冊社倉一處在縣西街乾隆二十四年知縣唐植瑛建

澄城縣常平倉在縣治東磚窰六孔康熙五十四年知縣崔輔鼎建

社倉八處在四鄉代莊雷莊段莊西村四村韋莊寺前塔塚三鎮及楊家嶺各一座座各四間雍正七年建縣冊社倉二處乾隆十五年建社倉三處二十年建

韓城縣常平倉在縣治大門外東縣冊厰一座在縣署東

乾隆二十一年知縣福通阿建

預備倉在縣治儀門內西

社倉八處在縣城內及薛峰胥村二鎮各四間雙樓村
賀龍村芝川鎮各三間西原村五間雍正八年建

華州常平倉在州城內舊有十座各三間雍正七年增建
五門

社倉十一處一在州城內四鄉魏家車獨廣閭三堡及
羅敘鎮時村西寨耐封郭村江村大張市各一座座各
三門雍正八年建

華陰縣常平倉在縣治前東康熙五十三年增建二座於縣署西雍正三年縣丞移駐潼關改建丞廨爲倉知縣薛文輝又捐俸買民地共增建六座八年復增建二座於縣署西

預備倉在縣治後

社倉八處在四鄉莊子坡底公呂家四堡及五方村敷水鎮北維村土維坊各一座座各五間雍正八年建

蒲城縣常平倉二座在縣城內共十間雍正七年建縣志南北二處

社倉十三處一在縣城內四鄉永豐孝通賈曲龍陽興
市荆姚蘇坊七鎮萬興延興上王三村及孫家莊大孔
寨各一座座各五間雍正七年建縣志十五處

白水縣預備倉在縣治大門東雍正七年增建十二間

社倉七處在四鄉雷村雷牙二鎮耀莊和蘇阿堡子阿
姚令五村各一座雍正八年建

潼關廳常平倉四座在城內各三間雍正七年建廳冊一
座

衛倉在署東

積貯倉一座在署東雍正七年建

社倉二處一在署東一在長安屯各一座座五間雍正七年建

同州府志卷十二

田賦志

以糧載丁

皇朝之仁兩稅一條變法利民本色折色異同租調薄賦
輕徭用節其要述田賦志第二

道光二十四年新刊賦役全書同州府田賦與府志所載
不合蓋府志修於乾隆五年迄今百載各縣之地有墾有
豁賦役書十年一刊今之所錄故以現有之數爲主也大
概府屬之賦分二項曰民地曰屯衛地屯衛地者乃元代

之屯田明代改爲衛田我

朝裁屯衛而其田仍依舊制納賦者也民田分五名曰原額乃元代之舊額至明初釐定其數以民地與王駙馬太府等地合而計之者也曰實熟地亦明代所定之數於原額中除去荒地並包賠折正永豁冲崩者也曰均徭元大德二年詔陝西諸色戶與民均當徭役至明代因之亦分原額與實徵者也曰自首乃嘉靖十一年所定凡入官地土爲豪強占種卽令自首還官賣銀貯庫者也曰更名乃明代秦藩所食之田我

朝改爲民田徵其賦以餉滿漢兵丁者也更名之田與屯
衛之田皆用古本色法納麥粟粳糯運交督糧道倉原額
實熟均徭自首等田皆用明一條鞭法納銀於地方官官
解布政司庫而我

朝大政軼於往代者在於以糧載丁始自康熙五十九年
定於雍正五年凡三代以上之所謂夫布里布漢以後之
所謂口算丁銀皆攤入地糧而人戶滋生永不加賦民之
所以蹈德詠仁忘

帝力於何有者此也府屬若華州大荔韓城郃陽蒲城澄

城朝邑華陰八處皆民田居十之九

華州華陰有更名田餘皆無

屯衛

田居十之一惟潼關廳無民田白水縣無屯衛田蓋潼關本明之衛所所管者有軍無民其軍田錯落於河南陝西各州縣界中故裁衛後卽歸各州縣徵解其專隸潼關廳者附近之華陰縣與河南之閔鄉縣而已白水則山多地少雖地分四等而在前代無軍籍之人則今代自不解道倉之糧也凡民地在大荔縣者實熟及溢額地共五千六百八十二頃五十四畝七分二釐五毫折色銀二萬五千六百二十兩四錢二分六釐二毫實在丁三萬六千八百

七十有六攤入地糧徵銀五千九十九兩七錢六分三釐

一毫其溢額均徭銀

三千八百四十七兩八錢一分

額外匠價銀

十六兩八錢三

分停免銀

二百六十二兩九分

新增軍籍丁銀

一千三百二十八兩一錢七分

與地

丁二項合計

三萬六千二百四十七兩九分四釐三毫

除荒銀一千七十一兩

九錢九分實徵銀三萬五千一百七十五兩九分九釐三

毫起運者二萬九千六百五十一兩七錢七分存留者四

千二百八十兩五錢九分也在朝邑縣者實熟地共六千

二百四十八頃五十二畝九分六釐六毫折色銀二萬二

千四十五兩八錢二分八釐九毫實在丁九萬二千四百

一十有五攤入地糧徵銀七千二百八十三兩八錢九分

一釐六毫其均徭銀

二千一百八十五兩二錢一分二釐九毫

額外應徵停免

銀

一百九十兩二錢八分六釐五毫

軍籍丁銀

一千七百八兩四錢二分

匠價銀

六十兩

八錢五釐

與地丁二項合計

四萬四千七十一兩八分六釐九毫

除荒銀一萬五

百八十八兩六錢四分一釐四毫實徵銀三萬三千四百

八十二兩四錢四分五釐五毫起運者二萬五千八百四

十三兩二錢二分一釐一毫存留者七千四百八十四兩

三錢四分四釐一毫也在郃陽縣者實熟地一萬二千九

十六頃二十九畝八分八釐一毫折銀四萬三千一百九

十七兩二錢三分九釐六毫實在丁十二萬二千七百有

一攤入地糧徵銀七千六百一十一兩二錢八分九釐四

毫其均徭銀

七兩六錢三分二釐九毫

匠價銀

五十兩四分錢九分

停免銀

七十九兩

七錢二釐二毫

軍籍丁銀

一千三百五十四兩六錢五分二釐

與地丁二項合計

五萬

二千七百七十一兩八錢三分五釐八毫

除荒銀四百七十兩八錢二分九釐

二毫實徵銀五萬二千三百一兩六釐六毫起運者四萬

七千一百六十七兩三錢八分八釐六毫存留者三千八

百二十六兩八錢九分一釐三毫也在澄城縣者實在五

等地八千六百五十九頃七十六畝五分五毫折銀三萬

九千九百十八兩八錢九釐七毫實在丁一萬九千一百

六十有九攤入地糧徵銀一千九百八兩八錢九分二釐

六毫其均徭銀

二千二百五十九兩九錢六分五釐

額外年例盤費銀

十二兩

停免銀

五十九兩五錢六分五釐五毫

匠價銀

八十一兩四錢五釐

軍籍銀

五百七十八兩

九錢五分八釐

與地丁二項合計

徵銀五萬五千二百六十九兩五錢二分二釐三毫

除荒

銀一萬二百八十八兩九錢一分九釐實徵銀四萬四千

九百七十一兩六錢三釐二毫又收協濟驛貼銀

協延安西安等

處貼銀八千二百三十一兩五錢三分二釐八毫

裁貼銀

協臨洮貼銀一百七十一兩二錢五分八釐二毫

二百十二兩二

雍正五年通省均丁銀 四千四百一十一兩二錢四分七釐七

毫

起運者四萬七千八百三十兩六錢六分二釐存留者

一千五百五十二兩一錢八分八釐八毫也在韓城縣者

實熟地三千七百三十一頃七十六畝一分二釐三毫折

徵銀二萬九千六百三十三兩九錢八分四釐二毫額外

黃河灘地三十四頃三十七畝四分三釐九毫折徵銀二

百七十二兩九錢五分八釐五毫實在丁六萬二千五百

八十有四攤入地糧徵銀三千二十一兩七錢三分四釐

一毫其均徭銀

三十九兩四錢二分六釐六毫

匠價銀

一百十七兩六錢四分五釐

停

免銀

三百六十五兩六錢七釐

均籍丁糧銀

一千四百五十七兩四錢九分八釐四毫

首報

糧條銀

三兩二錢三分一釐

與地丁二項合計

四萬四千六百六十七兩六錢一分四釐

四毫

除荒銀五千四百七十六兩八錢三分三釐五毫實徵

銀三萬九千一百九十兩七錢八分九毫起運者三萬九

千四百六十九兩七錢六分三釐二毫存留者九千二百

六十一兩五錢七分五釐八毫也在華州者金銀銅鐵錫

旱稻九等實熟地四千八百四十六頃六十三畝一分六

釐並外收租糧

原係有糧無地在於現在九等地內通融徵解銀六十九兩六錢五分五釐

共

折徵銀三萬五千三百六十兩三錢九分四釐六毫實在

丁二萬七千八百七十有六攤入地糧徵銀四千六百六

十兩八錢四分九釐其均徭銀

二千二百二十三兩六錢六分九釐六毫

匠價

銀

八十九兩五錢九分五釐

軍籍銀

五十七兩七錢六毫

停免銀

二百四十二兩五錢三分五釐

八毫

細辛銀

一兩八錢七分六釐八毫

與地丁二項合計

徵銀四萬四千九百四十二兩

九錢七分五釐六毫

除荒銀二千三百六兩三錢五分三釐六毫實

徵銀四萬二千六百三十六兩六錢二分二釐起運者三

萬五千九百三十一兩四錢三釐五毫存留者七千八百

三兩一錢二分九釐九毫也在華陰縣者金銀銅鐵錫五

等實熟地並外收沙租共地四千三百六十一頃五十六

畝五分五釐一毫折徵銀二萬二千七百五十五兩五錢

四釐三毫實在丁三萬二千九百七十有七攤入地糧徵

銀二千七百二十二兩七錢九分二釐三毫其均徭銀二千

六百八兩七錢三釐六毫匠價銀三十七兩一錢二分五釐停免銀二百三十九兩一錢四分四釐

七毫軍籍銀九百三兩八錢二分五釐九毫與地丁二項合計徵銀三萬二千九百十四

兩九錢七分一釐除荒銀三千六百四十七兩八錢七分五釐實

徵銀二萬九千二百六十七兩九分六釐起運者一萬五

千三百五十兩九錢九分九釐七毫存留者一萬四千九

百八十六兩七錢三分二釐也在蒲城縣者金銀銅鐵四

等實熟地並清查自首鹵灘地共一萬六千八百九十五

頃九十二畝八分四釐七毫折徵銀九萬一千九百十八

兩五錢一分三釐九毫實在丁十一萬九千九百四斗有

四攤入地糧徵銀四千四百二十一兩五錢一釐六毫其

均徭銀

五千六百三十八兩六錢四分八釐七毫

匠價銀

一百二十一兩七錢七分

停免銀

二百兩四錢八分三釐二毫

軍籍銀

二千六百八十九兩五錢三釐八毫

與地丁二項合

計

徵銀十一萬一百八十六兩九錢七分六釐六毫

除荒銀五千一百四十五兩

三錢五分五釐三毫實徵銀十萬五千四十一兩六錢二

分一釐四毫起運者十萬六千九百七兩四錢九分二釐

三毫存留者五千九百四兩一錢八分三釐七毫也在白

水縣者上中下下下四等並新墾自首地共七千二百三

十二頃五十八畝三分六釐七毫折徵銀二萬一千三十

六兩七分五釐一毫實在丁一萬七千六百一十有四攤

入地糧徵銀一千四百三十八兩五錢八分一釐九毫其

均徭銀一千九百二十三兩匠價銀六十三兩八錢五分五釐停免銀

六十五兩三錢五分八釐軍籍銀八百三兩五錢四分六釐三毫與地丁二項合計徵銀

三萬六百六十二兩四錢四分三釐二毫除荒銀五千三百二十八兩九分五

釐九毫實徵銀二萬五千三百三十四兩三錢四分七釐

三毫起運者二萬四千六百四十三兩九錢七分六毫存

留者二千三百六十二兩四錢五分五釐一毫也屯衛納賦亦分地丁二款而府屬屯衛又分西安潼關二目華州大荔華陰蒲城四境乃西安衛田故地額有官下車下之名朝邑郃陽澄城三境乃潼關衛田故但有原額及額外實熟地惟華州大荔亦有接收潼關衛田蒲城又接收大荔縣改隸潼關衛田蓋潼關於明初置衛時屬河南都司直隸中軍都督府所轄者右千戶左千戶二所不如西安五衛隸陝西都司者地額較多其款目有折布銀丁條銀馬銀草銀也大荔縣應徵西安中前二衛地丁折色銀五

百三十三兩四錢三分四釐二毫徵潼關衛地丁折色銀
五千一百八十兩一錢二分一釐六毫華州應徵西安左
右中前四衛地丁折色銀二百八兩五錢四分七釐五毫
徵潼關衛地丁折色銀四十八兩一錢三分一釐九毫華
陰縣應徵西安左衛地丁折色銀二十五兩一錢二分八
釐七毫蒲城縣應徵西安中前二衛地丁折色銀五百九
十六兩八分九釐二毫接收大荔縣改隸潼關衛地丁折
色銀六兩六錢二分三釐七毫朝邑縣應徵潼關衛地丁
折色銀二千六百十七兩六錢二分七釐五毫郃陽縣應

徵潼關衛地丁折色銀一千四百四十三兩六錢三分九釐六毫本色糧三石九斗六升八合七勺澄城縣應徵潼關衛地丁折色銀四兩六錢二分八釐八毫本色糧二十二石六斗五升六合一勺潼關廳應徵潼關衛本色糧五千八百五十三石七斗一升八合六勺地丁折色銀一千一百九十六兩二分一釐二毫又收華陰縣撥協銀八千二十五兩五分九釐統以留支潼營兵馬並廳屬官役俸工等款不復有起運者也統而計之同州府實熟地六萬九千七百八十九頃九十八畝五分六釐

折色糧二十九萬五千五百四

十四石四斗六升七合折色銀三十三萬
一千九百六十一兩九錢四分一釐七毫實在丁五十三

萬二千一百五十有六

徵銀三萬八千一百六十九兩二錢九分六釐

合均徭及

額外各項折色除荒銀四萬四千三百二十四兩八錢九

分八釐一毫實徵銀四十萬七千四百兩六錢二分二釐

五毫是爲民地之賦接收西安潼關二衛實熟地四千三

百十三頃五十八畝一分六釐六毫

本色糧一萬七千九百六十六石五升五

合六勺折色糧二千二百二十三石五斗四升三合五勺
折布銀五百七十二兩四分五釐七毫丁條馬草銀五百

三十三兩四錢二分九釐七毫折色
銀二千八十四兩五錢二分八釐

實在丁五千三十

徵銀

一千二十九兩二錢二分

合外縣均丁銀華陰縣撥協銀共徵一萬一

千五百二兩四錢八分三釐九毫徵本色糧一萬三百十七石八斗七升七合六勺是爲屯衛之賦然自明代以來軍戶多逃軍田多賣注籍者大半有糧無地故各州縣之民賦無逋而道倉糧之催科未有不拙者也

潼關志關歷代設兵有民

自明始蓋以流移遷徙來者安插於豫秦各縣地方每夫授田百畝令其開荒納糧彼時開創不無隱占浮額後命羅侍郎清查旨下百畝曰額地禁民私鬻踰百畝則首報於官起科名曰首報聽民鬻之其未報者令續報於衛窮民希圖鬻利多有以額內地作首報賣者於是首報數溢而額地多缺至今子孫受空地賠糧之累

雜稅

商稅通計共銀一萬七千七八百不等三原歸併加增銀

兩每年共銀五百四兩朝邑縣大慶關每年徵解商稅銀
一千三四百不等三原歸併加增銀兩每年共銀二百四
兩潼關廳每年徵解商稅銀一萬六千三四百不等三原
歸併加增銀兩每年共銀三百兩地稅通計共銀一千一
百二十七兩三錢零據各屬冊通計現銀一千一百五十
五兩四錢二分大荔縣地稅銀七十四兩七錢二分零又
庫地銀二兩七分六釐朝邑縣地稅銀二百二十九兩五
錢五分八釐郃陽縣地稅銀一百五十七兩五錢六分澄
城縣地稅銀六十九兩八錢三分韓城縣地稅銀二百七

十三兩九錢一分六釐華州地稅銀五十七兩一錢二分
華陰縣地稅銀六十一兩八錢一分六釐蒲城縣地稅銀
一百三十六兩五錢白水縣地稅銀十五兩九錢一分五
釐潼關廳地稅銀四十八兩二錢八分冊銀六十八兩四
錢畜稅通計共銀九百八十五兩八錢四分九釐據各屬
冊通計現銀共一千四十七兩六錢二分二釐大荔縣畜
稅銀七十三兩八分七釐朝邑縣畜稅銀一百二十一兩
八錢九分郃陽縣畜稅銀一百十八兩七錢一分縣冊銀
一百二十六兩澄城縣畜稅銀三十兩六錢韓城縣畜稅

銀一百七十八兩一錢三分華州畜稅銀一百兩九錢六分華陰縣畜稅銀四十六兩四錢五分蒲城縣畜稅銀一百八十三兩五錢一分縣志儘收儘解約銀二百三十八兩零白水縣畜稅銀二十九兩五錢五釐當稅通計共銀七百八十五兩據各屬冊通計現銀共一千二百五十五兩大荔縣當稅銀六十五兩縣冊銀九十兩朝邑縣當稅銀一百五兩縣冊銀一百二十五兩郃陽縣當稅銀一百五十五兩縣冊銀四百四十兩澄城縣當稅銀六十兩韓城縣當稅銀一百九十五兩華州當稅銀二十五兩華陰

縣當稅銀三十五兩蒲城縣當稅銀一百五十兩縣志銀
二百二十兩白水縣當稅銀二十五兩縣志銀五十兩潼
關廳當稅銀五兩廳冊銀十五兩牙稅通計共銀四百八
十一兩四錢七分據各屬冊通計現銀共四百二十四兩六
錢七分大荔縣牙稅銀一百四十四兩五錢朝邑縣牙稅
銀八十一兩三錢縣冊銀七十五兩九錢郃陽縣牙稅銀
四十兩五錢縣冊銀四十三兩六錢五分澄城縣牙稅銀
三十五兩五錢八分韓城縣牙稅銀四十六兩一錢九分
華州牙稅銀五十九兩四錢華陰縣牙稅銀二十五兩蒲

城縣牙稅銀三十九兩一錢縣志銀三十六兩七錢白水
縣牙稅銀九兩潼關廳牙稅銀九錢廳冊銀七錢五分

鹽法

同州府全屬皆食河東鹽有歲銷引有分銷引有代銷引
有餘引有活引活引者因吉蘭泰鹽務歸官辦運有碍潞
綱嘉慶十八年山西撫臣奏明將吉蘭泰額引八萬七千
五百道加於河東各引地察其案之暢滯而搭配銷之引
無一定之額銷非一定之地或此處有而彼處無或今年
無而明年有倘積而不銷亦可改歸他處他處亦不銷則

奏請暫停俟商力紓而後再加故謂之活引也大荔縣歲

銷額引三千七十五道

課銀一千二百六十九兩九錢七分五釐

代銷蒲夏二

縣引三道

課銀一兩三分

朝邑縣額引五千五十八道代銷引三

十道

課銀二千八十八兩九錢五分四釐

郃陽縣額引五千二百六十道

課銀

四千九百二兩三錢八分四釐

澄城縣額引二千八百七十道

課銀一千一百八十

五兩三錢一分

韓城縣額引三千一百四十七道

課銀一千二兩一錢六分二釐

華州額引三千二百七十四道

課銀一千三百五十二兩一錢六分二釐

華陰

縣額引二千九十六道

課銀八百六十五兩六錢四分八釐

蒲城縣額引七

千三百七道

課銀三千七十七兩七錢九分一釐

白水縣額引一千一百五

十道

課銀五百二兩七錢五分

餘引六百道代銷蒲城引八道長武引

二十五道

商領商銷

潼關廳額引一百三十六道

課銀五十六兩一錢六分

八釐

此見於舊志者乾隆初年以前之數也乾隆五十七年

河東裁商鹽課改歸地丁每銀一兩攤徵鹽課銀九分九

釐二毫有奇大荔縣徵鹽課銀三千九百三十三兩二分

五釐朝邑縣徵鹽課銀三千三百三十九兩三錢四分二

釐郃陽縣徵鹽課銀五千二百一兩九錢六分三釐澄城

縣徵鹽課銀四千八百九十九兩四錢六分七釐韓城縣

徵鹽課銀四千七十五兩三錢二分五釐華州徵鹽課銀

四千三百六十七兩二錢六分七釐華陰縣徵鹽課銀三
千十二兩一錢七釐潼關廳徵鹽課銀一百十八兩七錢
一釐蒲城縣徵鹽課銀一萬一千二百五十兩八錢一分
三釐白水縣徵鹽課銀二千六百七十九兩一錢一釐凡
府屬通徵鹽課銀四萬二千八百七十七兩四錢六釐此
合民地屯衛地更名地而共計之無豁墾亦無蠲免者也
嘉慶十一年河東復商鹽課仍歸舊額而有餘引有新增
引大荔縣歲銷額引並代銷引外加餘引八百五十道朝
邑縣歲銷額引並代銷引外加新增引三百九十三道郃

陽縣歲銷額引外加餘引一千五百八十道代銷引一百七十三道韓城縣歲銷額引外加餘引一百八道華州歲銷額引外加代銷引六十八道餘引八百道華陰縣歲銷額引外加餘引三百道代銷引五十一道潼關廳歲銷額引外加代銷引二千六百二道餘引二千七百八十三道額餘代銷引五千三百八十六道白水縣歲銷額引外加代銷引三十三道餘引三百道澄城蒲城二縣無加惟歲銷額引而已嘉慶十八年始有活引惟大荔華州二處有之大荔活引三百三道華州活引三百二十道至道光二

十五年山西撫臣奏准將活引暫停三年二十八年又奏准續停三年三十年又奏准續停俟銀價平減積引疎通然後再行活引通計府屬鹽課銀每歲四萬二千八百七十七兩四錢六釐皆商人自運河東道庫

同州府志卷十四

祠祀志

雍州積高神明所居河山交會尤稱奧區同州升府
秩祀同升煌煌

會典儀注攸崇舊志闕如茲焉彌縫述祠祀志第三

先王祀典分天神地示人鬼爲三類而祀天神地示時必
以人鬼配享後世遂以人鬼當神示唐宋以來尤混而莫
辨矣明代定大祀中祀小祀之制

本朝因之而變大祀之名曰上祀變小祀之名曰羣祀著

於

大清會典

大精通禮者壇壝之制邊豆之實神位祭器玉帛牲牢祝冊之數自京師以至直省府州縣地方官恪恭將事孰不稟

聖天子懷柔之命哉同州於雍正十三年升府後設附郭大荔縣縣之壇廟皆統於府而其先固同州之舊壇廟也社稷壇在城西二里神祇壇在城西一里先農壇在城東二里厲壇在城北二里文廟在府治西南因舊州學改府

學而縣學附焉

初建無考五代時馮道重修宋慶厯中又建元季廢於兵明洪武三年同知那權重

建正統八年知州秦銘景泰五年知州錢茂成化間知州

郝清嘉靖八年知州劉啓東萬厯十七年知州鄭璧天啓

二年知州張一英本朝康熙四十五年知州俞卿先後

修乾隆二年知府張奎祥率屬捐貲重修二十八年知府

李星曜林文德知縣張炳鯤劉大

樂陳學昌繼修三十四年落成 啟聖祠在文廟左文昌

祠在文廟左關帝廟在城東府城隍廟在府治東南縣城

城隍廟在縣治北名宦祠在文廟儀門東鄉賢祠在文廟

儀門西朝邑縣社稷壇在城西先農壇在城北文廟在縣

治南 元知縣成好德建明洪武初縣丞卞禮修葺成化間

知縣郭良拓之劉祗鞠鏞增修後知縣李英口道立

相繼修嘉靖乙卯地震辛酉火災廟廢乙丑興工重建

本朝雍正四年知縣楊臚賜乾隆二十年知縣成邦彥又

修啓聖祠在大成殿東北名宦祠在文廟戟門東鄉賢祠

在戟門西關帝廟在縣治西北城隍廟在縣治西文昌廟

在城東南二里節孝祠在南門內八蜡祠在南門外附城

郟陽縣社稷壇在城西門外神祇壇在城南門外先農壇

在城東門外文廟在縣治東南

宋元祐間知縣李百祿建元末圯明洪武二年知縣

徐原復建正德七年知縣張倫拓之嘉靖中宋奎王納策先後新之廟後有塹隆慶中葉夢熊實之宏治中趙維藩

鑄銅爲祭器六百二十有九

本朝康熙三十四年知縣郭峻重修三載始竣雍正七年朱閑聖乾隆三十七年席

奉乾

續修啓聖祠在文廟東名宦祠在文廟戟門左鄉賢祠在

戟門右關帝廟在縣治東城隍廟在縣治東文昌祠在縣

治西北八蜡祠在縣治南澄城縣社稷壇在城外西北隅

神祇壇南郊厲壇在北郊文廟在城北街之左

舊在縣西門外建自

宋以前其可考者只宋大觀聖作碑也元至元間知縣薛文曜重修廟皇慶二年知縣張河重修講堂元季兵燬明洪武六年知縣王秩重建正統四年知縣楊季琦宏治甲寅知縣楊泰嘉靖甲辰知縣鄭光溥皆修戊申知縣徐效賢築土城庚戌知縣敖佐置祭器建號舍嘉靖十年知縣洪廷玉建敬一亭萬厯十七年諸生以形家言徙於城內按察司署卽今文廟也本朝順治六年知縣姚欽明乾隆三十三年知縣額樂春戴治相繼修啓聖祠

在文廟左名宦鄉賢二祠在泮池左關帝廟在城東門內

城隍廟在城西門外韓城縣社稷壇在城外西北神祇壇

在城外東南厲壇在城外正北文廟在縣治東

明洪武四年知縣周

吉誠重建天順五年知縣王鼎成化十八年知縣吳雄嘉
靖二年知縣鄭鉞萬厯十三年知縣馬攀龍戴章甫天啓
甲子校官王一桂 國朝順治丙戌校官
彭冲霄康熙己未知縣王廷選先後修 關帝廟在縣治

北城隍廟在城內東北龍王廟在縣南八蜡祠在西門外

華州社稷壇在城西北神祇壇在城東先農壇在東郊三

里厲壇在城北文廟在州治東阜上

明嘉靖三十四年地震廟圯知州朱茹重

建 國朝乾隆四年知州董文權勸捐
修四十八年知州楊徽請帑修無考

崇聖宮在文廟東

文昌祠在文廟東名宦鄉賢忠孝祠俱在戟門外城隍廟

在州治東八蜡廟在東城外少華山神廟在東關華陰縣

社稷壇在城西北神祇壇在城南先農壇在城東厲壇在

城北文廟在縣治東

洪武二年知縣黃文明建正統二年知縣王貫嘉靖間知縣李時芳何祥

萬厯二年知縣李丞科三十九年知縣王九疇繼修

國

朝順治十年知縣葉舟十七年知縣劉瑞遠康熙二十三年

年知縣遲維

崇聖祠在文廟左文昌祠在大成殿東名宦

城先後增修

祠在櫺星門左鄉賢祠在櫺星門右節孝祠在文廟西城

隍廟在縣東八蜡廟在城南龍神廟在縣治西蒲城縣社

稷壇在城北先農壇在城東門外神祇壇在城南厲壇在

城北文廟在縣治東

創自唐貞觀中後周廣順三年廟與學分宋金元三代相繼修明初主簿

曹秉彝教諭劉矩重新之正德嘉靖間皆重修萬厯中敝

壞極知縣徐吉又修

國朝康熙乙巳知縣鄧永芳乾隆

三年知縣郭芝督

崇聖祠在文廟左名宦祠在戟門左鄉

同紳士捐貲整修

賢祠在戟門右忠孝祠在縣治東節義祠在南街關帝廟

在察院東城隍廟在縣治西白水縣社稷壇在西門外神

祇壇在南門外先農壇在南門外厲壇在北門外文廟縣

治東

洪武六年知縣張三同建宣德十年知縣張節重修以後蓋瑗韓睿胡山王簡劉夢陽相繼修國朝順

治十一年知縣俞崇修康熙十五年知縣楊奇斌增修乾隆十八年知縣梁善長又修道光二十七年知縣徐元潤

勸捐重修

崇聖祠在明倫堂右名宦祠在戟門東鄉賢祠在戟

門西文昌閣在儒學南關帝廟在縣治東城隍廟在縣治

東龍門洞外八蜡祠在南門外先農壇左潼關廳社稷壇

在西門外神祇壇在南門外先農壇在城東南隅厲壇在

南門外文廟在廳治東

明指揮孫璟捐宅建
歷年增修廳志未載

崇聖祠在大

成殿東名宦鄉賢祠均在戟門左文昌宮在儒學東關帝

廟在東街

凡七處惟在
東街者官祭

城隍廟在東街龍王廟在東街凡

此皆地方官致祭列在祀典者也惟華陰之西嶽廟雖在
祀典而爲

朝廷遣官致祭之神非府縣所得與禮制雖崇而別錄於
後

西嶽廟在華陰縣東五里始建不知何時通志以爲
漢武帝蓋因漢書地理志及三輔黃圖皆言武帝集

靈宮在華陰縣而後漢延熹八年華山廟碑更有孝
武皇帝巡省五嶽立宮其下曰集靈宮之語尤爲可
据也然此說實不可信何也集靈宮所在之地見於
水經注渭水篇云敷水又北逕集靈宮西敷水在今
縣西三十里其三十里內有黃酸水仙谷水長澗水
大澗水皆見於水經注南出華山北入渭河與敷水
各流而不相混是今之水道與水經注所載之水道
並無遷徙之變也酈氏明言敷水逕靈宮西是北魏
時漢集靈宮故址猶可尋見必不是今嶽廟之地

是今嶽廟則水經注應云長澗水逕集靈宮西而必
不指之爲敷水矣其不足信者一也漢華陰縣故城
在今縣東南五里直今嶽廟之正南而華山實在嶽

廟西南與今縣城正南北故漢武帝拜嶽壇在今縣
城外東南隅唐太宗修爲鎮嶽靈仙寺後改爲勝會

院明成化二年又改爲昭光寺者也

見華山志

拜嶽壇旣

在山之正北爲武帝望祭之所何必又立集靈宮於
山之東北與拜嶽壇異地且在五里之內乎其不足
信者二也水經注河水篇之言登華山也曰下廟曰

中祠曰南祠明明指言三處而皆不稱之爲集靈宮

之故址

水經注自下廟厯列相南行十一里東回二里至中祠又西南出五里至南祠謂之北君

祠諸欲升山者至此皆祈請焉

南祠在山麓中祠在南祠之東北五

里下廟在中祠之北十一里今自廟市西南行至山

麓正十五里是今之嶽廟卽水經注之所謂下廟也

唐封神號冊文曰神之祠在黃神谷口漢元光初遷

於官道北黃神谷者漢仙人黃蘆子棲真之所在華

山東五里與水經注所云西南出五里者相合是水

經注所指之中祠卽唐冊所稱黃神谷口之祠則官

道北之廟爲水經注所云之下廟又爲今之嶽廟無疑矣水經注呼之爲下廟而不言爲何人所建且與敷水所逕之集靈宮相隔三十里而謂今嶽廟卽漢集靈宮乎其不足信者三也且唐冊謂漢元光初遷於官道北者其說亦誤元光者漢武帝第一次攻元之號也武帝用事華山在元封元年

見漢書本紀

並非元

光初年拜嶽壇立於華山下則三十里外之集靈宮乃武帝巡行之離宮欲藉嶽靈以懷集仙人故殿曰存仙殿門曰望仙門也後漢人誤以集靈宮爲祀嶽

神之宮唐人遂附會之以官道北之廟爲漢武所遷
之廟至華陰縣志承之直謂今嶽廟卽漢之集靈宮
建於元光初者不知元光初至元封元年尙隔二十
五年豈有建廟於畿內遲至二十五年而後秩祀者
乎其不足信者四也且武帝之集靈宮不止華陰一
處長安亦有集靈宮矣

見西漢
宮闕名

大概與飛廉桂館同

爲候神人之地原非以祀華嶽故桓譚作集靈宮賦
自言從孝成帝出祀甘泉河東道經華陰集靈宮知
武帝所造以懷集仙人王喬赤松子等譚是時年少

爲郎值成帝好神仙之時扈從出祀其賦中何無一語及於華山亦無一字及於祭祀也是必非武帝祀嶽之宮明矣而後人直以今嶽廟當之其不足信者五也漢書地理志華陰縣下班氏自注云太華山在南有祠豫州山集靈宮武帝起所云集靈宮武帝起者卽水經注敷水所逕之集靈宮也其上文云太華山在南有祠應是水經注所言之南祠諸欲升山者至此皆祈請之地也中間夾以豫州山一語蓋本周禮豫州之鎮而言以注明華陰爲雍州境也而華陰

又有武帝之集靈宮故下文又特著之明明以華山
祠與集靈宮分爲兩地原非謂集靈宮爲華山爲祠
烏得謂今之嶽廟爲卽集靈宮哉南祠與中祠不知
何時所建其址今亦不可考若下廟當是東漢建武

以後因武帝之拜嶽壇而移於東者

延熹碑云建武之元事舉其中

禮從其省但使二千石以歲時往祠共有風旱禱請
祈求靡不報應自是以來百有餘年有事西巡輒過

亭祭蓋新莽以後壇址邱墟東漢遣官致祭因別建一

望祀之所傳之旣久遂以爲集靈宮之故址也然則
謂今之嶽廟爲水經注之下廟則可謂爲武帝之集

靈宮固不可矣其續修之可考者以延熹四年爲始

卽袁逢華山廟碑記

光和二年又修之

樊毅修華嶽廟碑記

晉太康八年

又修之

水經注太康八年宏農太守河東魏叔始爲華陰令河東裴叔恂役其逸力修立壇廟夾

道樹柏迄於山陰

北魏興安三年又修之

魏書禮志文成皇帝卽位三年正月

遣有司詣華嶽修廟立碑

西魏大統七年又修之

于瑾修廟碑

隋大業

十年又修之

隋書禮儀志祀華嶽築場於廟側

唐開成元年又修之

李商隱修嶽廟碑記

宋建隆二年又修之

主海慶厯中又修之

楊昭

儉修廟記

明成化八年又修之

周洪謨重修嶽廟記

嘉靖二十年又

修之

夏言重修廟記

四十一年又修之

華嶽志

我

朝康熙四十二年又修之

並建金天宮於南峯絕頂

乾隆七年又修

之四十四年巡撫畢沅奏請帑金十二萬大修之於

是規制宏麗稱其山川廟前列坊二中爲顯靈門繞

以周垣角樓四翼計其地佔今尺方十里許也顯靈

門之內曰五鳳樓樓左右墻墻各有門曰便門左便

門內枯樹一曰青牛樹相傳老子入關繫青牛於此

青牛樹西偏有古柏大數圍中空槐樹生其內枝葉

扶疏與柏環抱曰柏抱槐柏抱槐旁有殘石高二尺

餘狀若小山土人呼五嶽石非也唐元宗御製華嶽

碑爲黃巢所燔者也樹以漢唐名者林立數百株不可數進此爲靈星門門之中有石坊東西兩廡塑冥官而歷代祭碑皆亭覆於院又進爲金城門門內石橋三橋旁

御碑亭皆

本朝賜祭碑也又有古碑亭二嵌漢唐以來殘石於壁凡

二百餘枚中爲正殿曰顥靈殿殿九楹後曰禮步門曰寢宮曰穿殿曰配殿又後一門曰後宰門門之西曰放生池池北曰呂祖堂而

御書樓魏時於正中乾隆四十四年畢公祈雨

高祖純皇帝御書嶽蓮靈澍四大字以昭神貺公鑄諸石而供奉於茲樓也樓北爲廟之盡處垣上有臺高十六丈東西二十丈南北十九丈上起層樓並建小閣以藏道經南對太華東眺河潼北俯渭洛西瞰中南雲樹蒼茫川原繡錯極華陰之大觀矣樓之扁曰萬

壽閣

同州府志卷十五

學校志

辟雍鼓鐘成周之化西河文教淵源子夏古風雖遙
人材未亞龍門之光高於太華述學校志第四

國朝之制十五名以上爲大學八名以上爲中學三名以
上爲小學督學使者歲科兩試之取其佳文如額故府廳
州縣境內儒衣冠傳先王語者往往各數百人食餼曰廩
膳生待餼曰增廣生新入學曰附生廩膳生滿十考則貢
於

國學惟武生無廩增附之名亦無貢例蓋設科以文武並重而治民之需材於文者尤急也地方官振興人材於校官月課外各建書院於治所延名師豐膏火進生童而月課之其窮鄉僻壤亦立義學社學以教貧民之子弟郁郁乎文治之盛超越往古矣歷時既久或廢而不存今考其存廢者附於學制之後學制有考者詳之無考者以今制爲斷同州府學在府治南舊爲州學設學正一員訓導一員雍正十三年州升爲府設附郭大荔縣因改州學爲府學別設大荔縣學而文廟學宮則府縣共之府學教諭一

員訓導一員歲試額進文章二十名武童二十名科試額
進文章二十名廩生三十名增生三十名三年二貢大荔
縣學教諭一員訓導一員歲試額進文章二十名武童二
十名科試額進文章二十名廩生二十名增生二十名二
年一貢朝邑縣學在縣治東南教諭一員訓導一員歲試
額進文章十六名武童十六名科試額進文章十六名廩
生二十名增生二十名二年一貢郃陽縣學在縣治東教
諭一員訓導一員歲試額進文章二十名武童二十名科
試額進文章二十名廩生二十名增生二十名二年一貢

澄城縣學在縣治西北教諭一員訓導一員舊本中學雍正十一年從學臣潘允敏之請歲試額進文童十五名武童十二名始改大學科試進文童十五名廩生二十名增生二十名二年一貢韓城縣學在縣治東教諭一員訓導一員原額歲科試文武童各二十名嘉慶十九年

睿皇帝以縣人強克捷殉滑縣之難

予謚建祠

推恩士子加文武童之額各五名歲試進文童二十五名武童二十五名科試進文童二十五名其廩生二十名增

生二十名二年一貢者如故華州學在州治東學正一員
訓導一員歲試額進文童二十名武童二十名科試進文
童二十名廩生二十名增生二十名三年二貢華陰縣學
在縣治東教諭一員訓導一員舊沿明制爲中學取文武
十二名康熙初因軍興應試者少裁減八名僅成四名後
復舊制雍正初升爲大學增三名爲十五名乾隆四年增
至二十名裁潼關縣之年凡軍籍生童附入華陰學應試
設潼關廳之年軍籍者仍歸於廳而撥華陰五名以益廳
額於是華陰學額仍依十五名之舊今歲試額進文童十

五名武童十五名科試進文章十五名廩生二十名增生
二十名二年一貢蒲城縣學在縣治東教諭一員訓導一
員歲試額進文章二十名武童二十名科試額進文章二
十名廩生二十名增生二十名二年一貢潼關廳學在廳
治東教諭一員訓導一員歲試額進文章九名武童九名
科試額進文章九名廩生十五名增生十五名三年一貢
白水縣學在縣治東教諭一員訓導一員歲試額進文章
八名武童八名科試額進文章八名廩生二十名增生二
十名三年一貢此府屬之學制也府書院曰豐登書院在

大荔縣治東乾隆二十二年知府李星曜建縣書院曰馮
翊書院亦在縣治東道光二十六年知縣熊兆麟建社學
舊有五城內一義井村大村羌白鎮會橋村各一今皆廢
新建之義學三西伴道村一東成家莊一蘇胡村一今皆
存朝邑縣書院二曰西河書院曰華原書院皆在學宮旁
舊爲社學康熙十八年知縣朱集義建雍正九年知縣楊
臚賜增建堂宇而改爲書院者也社學四兩女鎮舊大慶
關安仁鎮郝家莊各一今皆廢郃陽縣古莘書院在縣治
東乾隆二十年知縣楊發智建澄城縣玉泉書院在文廟

左乾隆三十四年知縣額樂春建舊有水南書院在西門外社學一在縣治前皆久廢義學十四馮原鎮吉化城北酥酪村柏社村嚴莊孫堡村張家莊韋家莊寺前鎮蔡鄧村業善村韋莊村何家樓北棘茨村各一今皆存惟馮原鎮之義學名壺南書院韓城縣龍門書院在縣治東乾隆五十二年知縣傅汝奎建初□□平書院後易今名蘿石

書院者明崇禎間知縣左君懋第講學地也在南門外康熙四十二年知縣康行儻爲左君建祠因以祠右爲書院並建少梁書院於縣南二十里之芝川鎮義學五在城內

者文廟東司各一在城外者左公祠芝川鎮皆村各一社
學三城中芝川皆村各一今皆廢華州少華書院在城西
南隅嘉慶二十年知州□□□建社學四十一分在四十
一里今皆廢華陰縣仰華書院在縣治東康熙五十一年
知縣簡廷佐建舊有四知書院在泉店太華書院在青柯
坪雲臺書院在雲臺觀今皆廢社學二城隍廟西關各一
義學二嶽鎮敷水鎮各一今皆廢蒲城縣堯山書院在城
南大街乾隆十四年知縣羅文思建潼關廳鳳山書院前
代之明新書院也康熙間同知唐咨伯重修舊有關西書

院在冲府街久廢紫陽學舍一在風陵渡社學一在凡龍
屯義學一在西街今皆存白水縣明德書院在儒學東南
明知縣王無送建社學八在城內城隍廟者一在鄉者南
河新村雷衙武莊和蘇厚原新窰凡七皆久廢

同州府學舊志在府治西南宋慶厯中建元季兵燹明
洪武三年同知邢權重建正統八年知州秦銘景泰五
年知州錢茂律成化間知州邢清嘉靖八年知州劉啟
東前後重修有碑記萬厯十七年知州鄭璧天啟二年
知州張一英復修

國朝乾隆二年知府張奎祥修葺有記

豐登書院大荔縣冊在縣治東乾隆二十五年知府李星曜知縣王勳創建

大荔縣學舊志在府學內因州學政府以縣學附之

國朝康熙四十三年知州俞卿復修乾隆二年知府張奎祥重修自爲記二十八年知府李星曜林文德知縣張炳鯤劉大樂陳學昌先後重修

學田五十四畝八分租三石二斗八升八合

馮翊書院大荔新志在縣治東道光二十六年知縣熊

兆麟創建捐廉俸五百金爲倡率舉人李榮春捐地一
監生杜志銓及猶子思忠捐銀八千兩庀材鳩工費
銀三千五百兩有奇以五千兩生息爲山長修金生童
膏火之費

社學五所舊志一在府城一在義井村一在大村一在
羌白鎮一在念橋村今廢

義學舊志在府治東雍正九年知州馮慶長建卽舊社
學址縣冊乾隆三十四年知縣金之佩陳學昌重建

新建義學三處一在西伴道村道光二十年張建勳創

建一在東成家莊道光二十六年建一在蘇胡村道光十三年建

朝邑縣學舊志在縣治東南明洪武三年建萬厯間敎諭李振藻重修邑人王鑰有記

國朝雍正四年知縣楊臚賜增修以尊經閣舊置宮牆外地隣雜還移建學宮增以重臺榜曰奎文閣殿廡宮垣整飭崇煥各額俱照闕里改至聖殿爲大成殿改戟門爲大成門復於大成門兩掖增建金聲玉振門櫺星門以南建太和元氣坊明倫堂狹甚擴其址繚以垣凡

經營閱五載始觀成焉縣冊乾隆二十二年知縣成邦
彥重修四十二年知縣吳忠誥仍改奎文爲尊經

學田五十八畝有奇租三十三石有奇

西河書院舊志在學宮旁康熙十八年知縣朱集義設
立義學雍正九年知縣楊臚賜增建廳房改創書院延
師課學以西河爲卜氏設教之地故名縣冊乾隆二十
三年知縣丁士之四十年知縣吳忠誥先後勸捐置地
取租以供山長修膳有碑記

華原書院縣冊在縣治東舊爲東司乾隆三十四年知

縣楊衍嗣改立書院三十六年知縣吳忠誥先後捐資
社學九所舊志一在城內文廟西

國朝康熙十八年知縣朱集義建四十九年知縣王兆鰲
重修餘在趙渡新市二鎮新舊大慶關等里

義學縣冊在北鄉兩女鎮乾隆十一年邑人周應璧創
建

郃陽縣舊志在縣治南宋元祐六年知縣李百祿建武
陽張价有記元末兵燹明洪武二年知縣徐原重建正
德七年知縣張綸萬曆二十八年知縣劉應卜重修

國朝順治六年知縣莊曾明重修有記

儒學縣志舊有禮門無義路前逼隘且缺泮池明萬厯間邑參政范燧捐宅基易地增設建尊經閣於明倫堂後建樓於泮池前名魁星樓劉應卜記明萬厯三十八年知縣劉應卜謁學宮見櫺星門外僅二步許卽有大坊又西有鳳麟呈瑞坊東有河嶽鍾祥坊不在學馳道東西兩隅而居其中遂將前一大坊移正南二百步外二坊列於東西馳道之口過大坊有一水橫亘通爲外泮水上架一橋直接南城橋外甃甃一梯濶三丈高五

尺可逕登城橋前一小木坊題日月衢登城向東三十步爲文昌閣又向東百餘步爲魁星樓名宦鄉賢在二門內非制也移二門外內泮池有二溝惡其相射也填之使平以至堂齋次第舉焉

學田四十七畝四分租一十四石五斗

社學四所舊志一在西街文昌祠一在東街元聖祠一在南街崇聖宮一在北街東嶽廟

澄城縣學舊治在縣治西郭宋大觀元年建元至元二十七年知縣薛文曜皇慶二年知縣張洵重修有記元

末兵燹明洪武六年知縣王秩重建進士趙寅有記正
統四年知縣楊秀琦宏治七年知縣楊泰繼修中書舍
人吉人有記嘉靖二十三年知縣鄭光溥修尙書韓邦
奇有記二十七年知縣徐效賢增修萬厯七年改置縣
治北

國朝順治五年知縣姚欽明重建蒲城進士原敏宗有記
縣冊乾隆三十一年知縣額樂春修葺

學田四十畝租一十三石七斗有奇

澄城書院縣冊在縣治東北乾隆三十一年知縣額樂

春創建

社學舊志在縣治南明宏治間知縣楊泰徐政建嘉靖
間知縣徐效賢崇禎間知縣王選重修

韓城縣學舊志在縣治東明洪武四年知縣周吉誠重
建天順五年知縣王鼎修河東薛瑄記成化十八年知
縣吳雄重修邑人王盛記嘉靖二年知縣鄭鉞增修唐
龍有記萬曆十三年知縣馬攀龍戴章甫繼修邑人張
士佩記

國朝順治三年教諭彭冲霄康熙十八年知縣王廷選繼

修邑志尊經閣在明倫堂後宏治間知縣陳留楊遇春
建教諭泰和胡匡作上梁文今廢

學田二十一畝有奇租銀二十七兩九錢有奇知縣劉
方夏捐銀四百四十八兩零典買地二十五畝八分

房院一所除納糧外實租銀三十八兩二錢爲月課分
牒之用

蘿石書院縣志在南門外官路縣令張廷元舊祠也
龍門書院縣冊在縣治東

國朝康熙十三年知縣翟世琪創建初名爲東司義學五

十七年知縣楊鑑改爲龍門書院久廢僅存其址乾隆四十三年知縣蔡念祖重修捐資

社學三所舊志邑城芝川鎮笱村鎮各一雍正八年知縣劉方夏建今廢

義學五所縣志一在文廟一在東司一在左公書院一在芝川鎮一在笱村鎮知縣康行儻建今廢

華州學舊志在州治東元皇慶中建明洪武三年知州胡維俊重建天順元年知州楊勝賢重修侍郎薛瑄記正德十三年知州桑溥修侍郎呂柟記嘉靖三十八年

知州朱茹修按察使喬世寧記

學田四十八畝四分租六石二斗八升八合

少華書院在城西南隅嘉慶二十年

州人史芝

施地一區首先倡捐銀一千兩建修講堂並兩廊廂房
及大門二門共房三十餘間迨後聞風慕義者各量力
捐輸越年餘而工竣厥後並有續捐之項發商生息以
爲每歲延講山長暨士子膏火修脯之用事由齋長經
營並不官爲經手

華山書院在儒學北明嘉靖三十五年知州朱茹建今

久廢

華陰縣學舊志在縣治東明洪武二年□□黃文明建
正統二年知縣王貫重修教諭李 輔記嘉靖間知縣
王九疇重修蒲城張暉記

國朝順治十年知縣葉舟十七年知縣劉瑞遠康熙二十
三年知縣遲維城相繼增修

學田二頃六畝六分租二十一石九斗有奇

太華書院舊志在青柯坪萬厯三十六年知縣崔時芳
教諭張暉爲侍御馮從吾建今廢

四知書院舊志在縣東二十里明萬曆四十年知縣王
允疇建

仰華書院舊志在縣治東康熙五十一年知縣簡廷佐
建

雲臺書院縣冊在城南乾隆十二年知縣姚遠翻建

社學二所縣志一在城隍廟左一在西關今廢

義學二所舊志一在嶽鎮一在敷水鎮知縣趙金章建
蒲城縣舊志在縣治東後周廣順三年建宋元祐六年
知縣陳羔修邑人耿南仲記明洪武二年主簿曹秉爨

重建天順初知縣王傑修祭酒陳洪謨記成化間知縣黃蟠正德五年知縣張鏞嘉靖元年知縣楊重仲瓊萬曆四十四年知縣徐吉前後繼修

國朝康熙四年知縣鄧永芳增修邑人李馥蒸記

學田六十七畝田分有奇租十六石八斗六升有奇

正學書院舊志在縣治西明正統間建

國朝知縣張舜舉修

堯山書院縣志在縣治南乾隆十四年知縣羅文思創建捐資三十三年知縣王杏舒重捐資

義學舊志在縣治南康熙五十二年知縣汪元仕建

白水縣學舊志在縣治東明洪武三年知縣張三同建
有記景泰元年知縣蓋瓌成化十五年知縣韓睿正德
十六年知縣胡山萬曆三十五年知縣劉夢陽相繼增
修白學棟柱皆柏爲之規度宏偉殿有唐吳道子畫先
師十哲石刻遺像儒學前爲聚奎坊後崇臺有閣祀文
昌南瀕城爲池東南卓起城上者爲魁星樓城東南隅
聳峙者爲大魁樓又明倫堂有繫辭說卦傳碑朱子手
書蔡氏元定刻

明德書院舊志在縣治西明崇禎十二年知縣王無逸
建有記

國朝順治初知縣王永命以講席久虛改祀社工部

社學舊志在縣城內康熙五十六年提學覺羅逢泰捐
銀十二兩置社學田四畝

潼關廳學舊志卽衛學初在治東明正統四年都指揮
僉事姚深奏建學士陳循記成化十年圯于水十一年
遷治西南嘉慶三年指揮孫承宣修高陵呂柟記二十
二年副使周相二十三年副使汪尙寧重修引潼水自

南門入折流注之泮池北折而達於黃河華州王維楨
記

國朝雍正五年改爲縣學乾隆九年改廳學

學田九十三畝租十八石六斗舊有按院置買學地十
五畝學租棉花六十觔應納本地夏租麥三斗三升六
合租糧米三斗三升六合折色銀一錢四釐俱在棉花
內變納

關西書院舊志在道署西雍正七年潼商道張正璫建
社學二所舊志一在縣治東一在縣治西今廢

義學廳冊在廳治西康熙年間同知唐咨伯建並捐資

同州府志卷十六

兵防志

形勢十一家後世莫考一河三關同華是保同固襟
要華亦咽喉總厥兵制以輔權謀述兵防志第五

西河爲自古用兵之地以春秋以後秦晉交爭西北魏時
齊周交爭爲最甚蓋濱河爲界者其守不在河而在河外
若不守河外而但守河則險與敵共河內必不能固此秦
之所以爭河東晉之所以爭河西也晉惠公賂秦伯以河
外列城五旣而不與厥後韓原之戰爲秦所獲復縱之歸

於是秦始皇征河東置官師焉是西河之地盡爲秦有矣然

魯文公三年秦伐晉取王官

在今澄城境

八年秦伐晉取武城

在澄城境

十年秦伐晉取北徵

在澄城境

十二年秦伐晉取羈馬

在郃

境是河西之地復有晉邑其或晉文荆霸襄公繼之河西

日漸恢擴而未著於史其見於史者只晉襄五年代秦圍

邠新城

邠在大荔境新城在澄城境

晉靈四年伐秦拔少梁耳

在韓城境

國之時魏與秦以西河爲盛衰魏之得河西自吳起始

魏文

侯十六年城少梁十六年伐秦築臨晉元里十七年攻秦築洛陰郃陽三十二年敗秦於注而史記吳起傳又有擊

秦敗王城之師

起自論功曰守西河而秦兵不敢東向是也秦之

復西河自商鞅始

秦孝公八年與魏戰元里有功十年魏鞅爲大良造將兵圍安邑降之二十二

年魏鞅擊魏公子昂二十四年與魏戰岸門擄其將魏錯

史記魏世家曰秦用商鞅東

地至河是也秦得河西地故魏棄安邑而遷都於大梁秦

之所以強魏之所以弱也漢初自臨晉

今朝

東渡河以爭

中原東漢初鄧禹亦由此入關中西魏時高歡自蒲津

卽

大慶

渡河至馮翊

今府治

刺史王羆堅守曰城是王羆豕不

可得也歡力攻不克遂不能得志於西魏宇文泰輔政以

同州爲重鎮父子多居之蓋黃河之津渡有三曰潼關在

同州東南曰龍門關在同州東北曰蒲津關在同州正東

三關在三百里內而同州以西平原數百里至長安無河山之阻故居關中者必力保西河取關中者必力攻西河方輿記要曰關中襟要莫如同州豈非以地控關河之會人習征戰之方哉唐武德初始制軍府析關中爲十二道而同州華州各爲一道三年更以同州道爲羽林軍華州

道爲騎官軍是時華州華陰郡領四縣

鄭華陰下邽櫟陽

同州馮

翊郡領八縣

馮翊朝邑韓城郃陽夏陽白水澄城奉先

所謂華州道同州道者

固合各縣而統計之者也貞觀十年更定折衝府之制關

內之府二百六十有一而華州之府二十

普樂豐源義全清義萬福修仁

神水常興義澤定城延壽羅文鄭邑同州之府二十六北濟

宜義相原孝德温陽宜化懷德懷仁唐安泰城太州大亭河東興德連邑伏龍温陽安遠業善

南鄉臨高漢陽襄城崇道浙谷吉安長春華池永大洪泉善福司比他州爲獨多同州六千七百三十六人華州五

禦効誠千二百二十三人迨至元宗時府兵已壞變爲曠騎而開

元十一年詔尙有同華兩州精兵所出地資輦轂不合外

支之褒及代宗大厯二年復詔潼關置鎮兵三千人也宋

初同華兵制有威邊壯武壯城之名熙甯以後改同州兵

曰馬監華州兵曰廳直兵勢較弱於唐金宣宗貞祐三年

令渭南州郡步兵屯平原以宣撫使治邠州副使治同州

之澄城以統之更以步騎守渭津九月設潼關提控總領
軍馬等官十月以同華舊屯陝西兵隸宣撫司者改隸陝
西行省蓋自宋以後關中不建京都其兵制亦不及唐代
之重矣明初定陝西因元代屯田舊制置西安五衛隸陝
西都司復制潼關一衛隸河南都司每衛五千六百人其
散著於今府境者華州有西安左右中前四衛及潼關衛
大荔有西安中前二衛及潼關衛華陰有西安左衛蒲城
有西安中前二衛朝邑郃陽澄城則皆有潼關衛蓋潼關
衛共一百九屯東連靈寶閿鄉

在河南

西抵渭南臨潼兵在

今潼關廳境者僅四十二屯

東鄉屯十四自東關廂十里曰七里屯三十里曰杜村屯

稍南曰上董屯東五十里曰高伯屯東南曰石橋屯東六十

十里曰張村屯東南曰上陽屯東七十里曰廟底屯營田

屯八十里曰樓底屯九龍屯下原屯楊家灣屯一百里曰

狼寨屯東南鄉屯八去城二十里曰歇馬屯稍東曰大留

屯大留東北曰東馬屯關南二十二里曰興邑屯去關城

東南二十五里曰董社屯三十里曰寺底屯三十三里曰

馬店屯四十里曰莊頭屯又新增屯曰東莊屯去城二十

五里西鄉屯十三自西關廂十里曰潼西南屯三十里曰平

洛屯三十五里曰曲城屯迤北曰東册屯四十里曰白雲

宮屯西北四十里曰魚池屯又西北曰古城屯五十五里

曰長城屯五十里曰段村屯七十里曰五里屯八十里曰

敷水屯迤北八十里曰焦家社屯新增屯曰五橋屯去城

五十里西南鄉屯七去城十里曰金盆屯二十五里曰故

真屯三十里曰孟村屯曰阿彪屯四十里曰蒲峪屯潼峪

屯去關三十里而明代同華二州之兵制約畧可見也

國朝初立潼關營以參將統之康熙四十七年改參將爲副將兼轄商州富平金鎖關各營其在同州府境者惟韓城之神道嶺一營而上隸於陝西固原提督雍正四年建滿城於關西三里置滿營設城守尉一員八旗防尉八員驍騎校八員乾隆三年裁撤嘉慶十五年設西安鎮以潼關營隸之道光二年裁神道嶺營爲汛改歸潼關汛防二十三年裁西安鎮仍以潼關營隸於提督今以道光三十年爲斷潼關營駐劄潼關廳城額設副將一員都司一員千總二員把總五員經制外委九員額外外委七員馬步

守兵七百十名內除口外換防兵四十名實存六百七十

名

馬兵一百八十六名步兵一百六十八名守兵三百二十八名

分防汛地十三在府境

者十一曰同州府汛千總一員馬步守兵二十四名曰朝
邑縣汛經制外委一員馬步守兵二十二名曰王家莊汛
經制外委一員馬步守兵一十七名曰澄城縣汛經制外
委一員馬步守兵十名曰華陰縣汛經制外委一員馬步
守兵四十七名曰華州汛把總一員馬步守兵三十三名
曰神道嶺汛千總一員額外一員馬步守兵五十名曰郃
陽縣汛把總一員馬步守兵二十二名曰韓城縣汛經制

外委一員馬步守兵二十名曰孟家嘴汎經制外委一員
馬步守兵二十名曰石堡川汎額外外委一員馬步守兵
七名惟蒲城白水二汎雖屬於潼關協而爲金鎖關營之
汎地蒲城縣汎把總一員馬守兵二十二名白水縣汎經
制外委一員馬守兵二十名而蒲城之永豐鎮亦爲金鎖

關汎地經制外委一員馬守兵二十六名

潼關營冊原額
馬步守兵六百

九十八名雍正七年增添馬步守兵四十五名乾隆四十
五年增添步兵二名乾隆四十六年增添馬步守兵一百
六十名道光二年改神道嶺營爲汎兵丁一百三十五名
雍正十三年裁汰馬步守兵四十六名乾隆二十九年裁
汰馬守兵五名乾隆三十三年裁汰步兵四名乾隆三十
七年裁汰馬步兵七名乾隆三十九年裁汰馬兵一名乾

隆四十二年裁汰馬步守兵十五名乾隆四十二年裁汰步兵一名乾隆四十五年裁汰步兵五名乾隆四十七年裁汰馬步守兵一百七十三名乾隆四十九年裁汰馬步守兵四十七名道光三年裁汰步兵十三名道光十二年裁汰馬步守兵十五名道光二十三年裁汰馬步守兵五名

舊志潼關協營屬提鎮副將一員都司一員千總二員把總四員外委把總三員馬戰兵二百一十六名步戰兵一百四十七名守兵三百九十七名內駐劄潼關副將一員都司一員把總一員馬戰兵一百三十三名步戰兵一百一名守兵一百六十二名分防同州府把總一員馬戰兵九名步戰兵五名守兵二十七名分防朝

邑縣外委把總一員馬戰兵二名步戰兵三名守兵十七名大慶關馬戰兵一名守兵二名王家莊千總一員馬戰兵十名守兵五十名分防華州千總一員馬戰兵十一名步戰兵七名守兵二十六名青岡坪馬戰兵一名守兵二名構峪口守兵二名分防澄城縣外委把總一員馬戰兵一名步戰兵二名守兵二十名分防華陰縣外委把總一員馬戰兵八名步戰兵八名守兵三十名嵩岔峪潼峪口蒲峪口葱峪口襄峪口各守兵二名按外委把總三員仍在馬戰兵數內神道嶺營屬潼關

營遊擊一員千總一員把總二員外委千總一員馬戰
兵一百二十六名步戰兵八十五名守兵五十九名內
駐劄韓城縣柳溝遊擊一員馬戰兵六十名步戰兵四
十名守兵二十八名分防邵陽縣把總一員馬戰兵十
七名步戰兵十五名守兵十名撥防韓城縣外委千總
一員馬戰兵十名步戰兵五名按外委千總一員仍在
馬戰兵數內分防蒲城縣把總一員馬戰兵九名守兵
二十九名永豐塘外委把總一員馬戰兵十名守兵四
十名分防白水縣外委把總一員馬戰兵三名守兵二

十七名屬富平營

韓城縣志神道嶺營

屬潼關協

遊擊一員千總一員把總二

員外委千總一員馬戰兵一百二十六名步戰兵八十五名守兵五十九名駐劄柳溝遊擊一員馬戰兵六十六名步戰兵四十名守兵二十八名分防洛川縣孟家嘴千總一員馬戰兵二十三名步戰兵一十五名守兵一十二名分防洛川縣石堡川把總一員馬戰兵一十五名步戰兵一十名守兵九名分防郃陽縣把總一員馬戰兵一十七名步戰兵一十五名守兵一十名撥防韓

城縣外委千總一員馬戰兵一十名步戰兵五名

按外委千

總一員仍在

戰馬兵數內馬步守兵歲共支八月銀三千五百八兩

四月糧一千七百五十四石官員馬一十二匹兵丁馬

一百二十六匹歲共支六月乾銀七百四十五兩二錢

六月料七百四十五石三斗草四萬九千六百八十束

演武場在城東平里

續志神道嶺在縣西一百二十里界西延二府萬山間寇盜出沒無

常依山爲窟宅順治十二年都諫高辛允特疏上請奉旨築城柳溝設遊擊一員千總一員把總二員兵馬步

五百今汰留三百五十分鎮宜川孟家嘴邵陽縣城外洛川石堡伏莽胥消民獲安枕城守把總署在北門外

圓覺寺大殿西偏

趕寨下

按此係乾隆四十八年之制

驛傳

大荔縣額設遞馬九匹每年應支草豆銀二百一十五兩

一錢五分九釐額設馬夫六名每年應支工食銀七十

兩二錢四分

大荔縣志馬三十四匹馬夫十七名歲支銀九百四十七兩八錢四分零遇閏加遞馬

銀七十九兩二錢六分零內撥邊塘馬十四匹馬夫五名雍正七年裁馬十六匹馬夫八名銀四百八十五兩九

錢九分九釐零支直銀八兩遇閏銀四十二兩二錢七分零十年撥邊塘馬一匹馬夫半名乾隆元年撤回本

站十三年改設府治添馬十匹馬夫五名銀三百三兩七錢四分零遇閏銀二十六兩四錢二分二釐縣冊二

十二年撥協長安縣馬五匹馬夫二名半歲撥銀一百五十一兩九錢遇閏照例加增

朝邑縣額設遞馬六匹滿年額支草豆銀一百四十七兩

五錢七分四釐四毫額設馬夫六名滿年額支工食銀

五十九兩八錢一分一釐一毫

朝邑縣志馬七十二匹馬夫三十九名歲支銀

二千三百二兩三分七釐零遇閏加遞馬銀九十三兩九錢八分零內撥邊塘馬二十九匹馬夫十五名雍正七年裁馬三十九匹九年買補六匹實裁馬三十三匹馬夫十六名半銀一千九兩二錢五分二釐零支直銀三十七兩九錢八釐遞馬閏月銀四十三兩七分六釐零十年撥邊塘馬二匹馬夫一名乾隆元年撤回本站

郃陽縣額設遞馬三匹歲支銀八十一兩六錢九分馬夫

二名歲支銀二十一兩六錢

郃陽縣冊馬七匹馬夫四名歲支銀二百四十四兩八

錢九分遇閏加遞馬銀五十兩四錢內撥邊塘馬四匹馬夫二名雍正七年裁馬一匹九年買補一匹

澄城縣額設遞馬三匹無閏每年支草豆銀七十八兩八

錢五分九釐有閏每年支草豆銀八十五兩五錢四分

三釐額設馬夫一名半無閏每年工食銀一十五兩九

錢三分有閏每年工食銀一十七兩二錢八分

縣冊馬七匹

夫三名半歲支銀二百三十一兩六錢四分四釐零遇閏加遞馬銀二十七兩八錢四釐內撥邊塘馬四匹馬夫二名雍正七年裁馬一匹九年買補一匹

韓城縣額設在號遞馬三匹每馬日食七觔重空草二束

每束價銀一分料豆五京升每升價銀一分一釐每馬

日草料銀七分三釐三馬每日共食銀二錢一分八釐

零內除小建銀一兩三錢一分滿年連閏共食草料銀
八十三兩八錢四分二釐額設馬夫一名半每名日支
工食銀三分每日共支工食銀四分五釐內除小建銀
二錢七分滿年連閏共支工食銀一十七兩二錢八分
縣冊馬五匹馬夫二名半歲支銀一百六十三兩三錢
八分零遇閏加遞馬銀三十五兩五錢三分六釐內撥
邊塘馬二匹馬夫一名雍正七
年裁馬一匹九年買補一匹

華州華山驛在城知州管理馬八十四匹馬夫四十五名
歲支銀三千七百四十八兩四錢州馬五匹歲支銀一
百一十三兩遇閏加遞馬銀二十六兩一錢二分四釐

零雍正十年撥邊塘馬五匹乾隆元年撤回本驛二年
增馬夫閏月銀二百八十一兩七錢

華陰縣潼關驛在城知縣管理馬八十四匹馬夫四十五
名歲支銀三千七百四十八兩四錢縣馬五匹歲支銀
一百一十三兩遇閏加遞馬銀二十六兩一錢二分四
釐零雍正十年撥邊塘馬五匹乾隆元年撤回本站二
年新增馬夫閏月銀二百八十一兩七錢

蒲城縣遞馬四匹每匹歲支銀二十四兩四釐馬夫四名

每名歲支銀十兩八錢

縣冊馬三十匹馬夫十七名歲
支銀九百五十二兩七錢九分

二釐遇閏加遞馬銀九十三兩九錢二分四釐內撥邊塘馬十匹馬夫五名雍正七年裁馬十六匹馬夫八名銀四百八十八兩五分九釐零支直銀八兩遇閏銀五十二兩九分二釐零十年撥邊塘馬一匹乾隆元年撤
回本
站

白水縣馬四匹馬夫二名歲支銀一百一十兩二錢七分六釐遇閏加遞馬銀十九兩五錢六分七釐內撥邊塘馬二匹馬夫一名

潼關廳潼關驛在城驛丞管理馬一百八匹馬夫五十七名歲支銀四千七百八十六兩八錢雍正七年裁解甘馬十匹九年買補十匹十年撥邊塘馬八匹乾隆元年

撤回本站二年新增閏月銀三百六十兩九錢今驛丞
裁歸廳管理

遞運 附損夫

大荔縣損夫三十八名歲支銀四百四十五兩零遇閏加
銀四十四兩八錢七分零雍正十年裁夫二十六名銀
二百七十六兩八錢零閏月銀三十兩七錢三釐零又
改設府治添夫一十二名銀一百二十七兩七錢五分
零閏月銀一十四兩一錢七分零縣冊損夫二十四名
除小建實支銀二百五十一兩二錢五分零

朝邑縣損夫四十四名歲支銀四百七十一兩九錢二分
零遇閏加銀三十八兩三錢一釐雍正十年裁夫三十
二名銀三百四十三兩二錢一分閏月銀二十七兩八
錢五分零

郃陽縣損夫七名歲支銀七十七兩七錢六分遇閏加銀
三十二兩四錢雍正十年裁

澄城縣損夫六名歲支銀六十四兩八錢遇閏加銀一十
五兩五錢二分六釐雍正十年裁

韓城縣損夫一十二名歲支銀一百二十九兩六錢遇閏

加銀三十一兩六錢八分四釐雍正十年裁

華州羅紋遞運所所夫一百四十名歲支銀二千三百一十八兩四錢雍正十一年新增閏月銀一百九十三兩二錢州冊內除撥留壩所夫五名歲支解司銀八十二兩八錢現留所夫一百三十五名歲支銀二千二百三十五兩六錢

華陰縣遞運所所夫一百四十名歲支銀二千三百十八兩四錢雍正十一年新增閏月銀一百九十三兩二錢蒲城縣損夫四十六名歲支銀四百九十二兩八錢三分

三釐零遇閏加銀五十七兩六錢一分四釐雍正十年
裁夫三十四名裁銀三百六十四兩二錢六分八釐零
裁閏月銀四十二兩五錢八分四釐零

白水縣損夫六名歲支銀五十八兩七分八釐零遇閏加
銀七兩五錢五分一釐雍正十年全裁

潼關廳潼關驛遞運所所夫一百八十名歲支銀二千九
百八十兩八錢雍正十年裁夫二十名裁銀三百三十
一兩二錢又十一年新增閏月銀二百二十兩八錢廳
冊現所夫一百六十名歲支銀二千六百四十九兩六

錢

舖司

大荔縣總舖在府治前東至朝邑縣乾坑舖十里西南十里背坡舖十里王店舖十里潘驛舖十里高家舖十里乎良舖至渭南縣孝義舖十里西十五里雷甫村舖十五里船舍舖至蒲城縣晉城舖五里西北十五里柳池舖十五里義井舖至澄城縣白其舖十五里東北十里成家舖十里廝羅舖至朝邑縣野雀舖十里共設舖遊十二處舖司兵三十七名每年支工食銀一百九十九

兩七錢八分零又改設府治增設舖兵四名增銀二十
一兩七錢一分三釐零二項共加閏月銀一十八兩四
錢二分零縣冊乾隆九年裁十二名減銀四十九兩六
錢一分零

朝邑縣總舖在縣門左東十里東屯舖十里火家舖八里
舊大慶關舖至山西永濟縣在城舖十里西十里孤店
舖十里乾坑舖至大荔縣在城舖十里南十里新甫舖
十里趙村舖十里蒼頭舖至華陰縣楊花舖二十里西
北十里官莊舖十里白塚舖十里龍池舖十里太奇舖

十里王彥舖至澄城縣寺前舖十里王彥舖西南十里
平羅舖十里雙泉舖十里野雀舖至大荔縣廝羅舖十
里王彥舖東北至邵陽縣路井舖十里共設舖遞十七
處舖司兵六十八名每年支工食銀一百五十兩七錢
三分三釐零遇閏加銀十二兩三錢二釐零縣冊舖遞
分設十處舖司兵二十七名每年支工食銀一百六十
二兩

邵陽縣總舖在縣治西南十里蔡莊舖至澄城縣柳池舖
二十里蔡莊西南十里和家莊舖十里吳莊舖十里路

井鋪迤西至澄城縣寺前鋪十里東北十里織布鋪十
里童家莊鋪十里百良鋪十里大棗鋪至韓城縣馬林
莊鋪十里共設鋪遞九處鋪司兵三十八名每年支工
食銀一百八十二兩四錢遇閏加銀十五兩二錢縣冊
鋪遞分設五處鋪兵十三名每歲支工食銀七十八兩

澄城縣總鋪在城內東十里柳池鋪至郃陽縣蔡莊鋪二

十里西十里交城鋪十五里長潤鋪至蒲城縣蔡鄧鋪十
五里南十里鎮基鋪十里交道鋪十里懷仁鋪十里安
樂鋪十里臨高鋪十五里白其鋪至大荔縣義井鋪十

五里東南二十里撲地舖二十里寺前舖至朝邑縣王
彥舖十里北三十五里嶙嵒舖三十五里藥舖頭舖二
十里紅羅谷舖至白水縣北孔走河舖三十五里共設
舖遞十五處舖司兵四十八名每年支工食銀一百四
十九兩七錢五分零遇閏加銀三十五兩一錢二分零
縣冊舖遞分設九處舖司兵二十一名每年支工食銀
一百二十六兩

韓城縣總舖在縣泊前南十里陳村舖十里芝川舖十里
馬林莊舖至邵陽縣大棗舖十里共設舖遞四處舖司

兵十七名每年支工食銀七十八兩五錢六分一釐遇
閏加銀六兩八錢縣冊今無總舖亦無歲支銀兩

華州總舖在東門內東十里羅紋舖十里柳子舖十里臺
頭舖至華陰縣敷水舖十里西十里石橋舖十里白園
舖至渭南縣赤水舖十里羅紋舖南三十五里嶺底舖
三十里乾喜舖至華陰縣界夔岔舖四十里北十五里
王村舖至渭南縣界孝義舖十里共設舖遞九處舖司
兵四十六名每年支工食銀一百四十八兩八錢遇閏
加銀一十二兩四錢州冊舖遞分設六處舖司兵二十

八名每年支工食銀一百六十八兩

華陰縣總舖在縣治西三十里楊花舖十里泉店舖十里
楊橋舖至潼關廳在城舖十里西十里長城舖十里新
莊舖十里敷水舖至華州臺頭舖十里共設舖遞七處
舖司兵五十名每年支工食銀二百一十五兩八錢二
分零遇閏加銀十八兩三分零縣冊舖遞分設八處舖
司兵三十三名每支工食銀一百九十八兩

蒲城縣總舖在縣治南東四十里陳莊舖陳莊南十五里
溫湯舖溫湯南至大荔縣界義井舖十五里西十里仁

厚舖十五里崇德舖十里思文舖十里思武舖至富平
縣界莊鎮舖十里南十里白路舖十里漢底舖十里南
杜舖至渭南縣憑信舖十里漢底東南十里龍陽舖十
五里晉城舖至大荔縣界船舍舖五里北十五里陶池
舖十里石灘舖十五里罕井舖至白水縣臨川舖五里
東北六十里蔡鄧舖蔡鄧東至澄城縣長澗舖十五里
西至白水縣通道舖二十里共設舖遞十六處舖司兵
五十四名每年支工食銀二百六十四兩三錢九分五
釐零遇閏加銀二十一兩八錢五分零按縣舊志凡十

七舖舖司兵五十七名縣冊裁留二十一名每年支工食銀一百二十六兩

白水縣總舖在縣治前南五里臨川舖至蒲城縣蔡鄧舖二十里北五里東三十里通道舖至蒲城縣蔡鄧舖二十里北五里白路舖三十五里蘇和舖至洛川縣黃龍山舖四十里共設舖遞五處舖司兵十六名每年支工食銀六十一兩二錢六分零遇閏加銀五兩一錢一分零縣冊舖遞分設四處舖司兵十二名每年支工食銀七十二兩

潼關廳總舖在城內西至華陰縣楊橋舖十里東至河南

閔鄉縣七里舖七里北至山西永濟縣田村舖八里額
設舖遞一處舖司兵九名每年支工食銀五十四兩遇
閏加銀四兩五錢